



USAID
HUSI POVU AMERIKANU

24/Abril/2018

Komunikadu Imprensa

**Informasaun liu tan, Kontaktu:
Rosario Maia, Epesialista Média
Embaixada EUA, Dili, Timor-Leste
Tel: +670 332 4684, 77908209**

Estadus Unidus kontinua apoia eleisaun ida ne'ebé livre no justu iha Timor-Leste

DILI – Governu Estadus Unidus ne'ebé sempre apoia eleisaun demokrátika iha Timor-Leste husi kedas tinan 2002, sei kontinua promove prosesu eleitoral tomak ba eleisaun antesipada 2018. Apoiu husi Misaun EUA nian iha Timor-Leste mai husi Ajensia Amerikana ba Dezenvolvimentu Internasional (USAID), Ministériu Negosiu Estranjeiru EUA no ajensia seluk ne'ebé sei foka liu ba fortalesimentu partidu polítiku sira no instituisaun gestor eleisaun nian, apoia observasaun ba eleisaun no promove atividade edukasaun sívika no edukasaun votante.

“Eleisaun ne'ebé Livre, justu no transparente sei ajuda harii fiar entre Timoroan sira ho sira nia governu.” Embaixador EUA ba Timor-Leste Kathleen M. Fitzpatrick hateten. “Ami nia apoia ajuda lori nasaun ne'e ba futuru ida ho auto-sufisiensia, instituisaun demokrátika sira ne'ebé forte no populasaun ne'ebé saudavel no prosperu.

USAID oforese ona apoia ba International Republican Institute (IRI) atu haruka observador internasional nain 18 iha eleisaun antesipada. Ekipa Observador Internasional inklui IRI nia membru konsellu administrasaun, funsionariu IRI, eis Embaixador ba Banku Dezenvolvimentu Asia no membru husi Partidu Liberal Australia. Igreja Katólíka nia *Observatorio da Igreja Para os Assuntos Sociais* (OIPAS) simu mo'os apoiu husi EUA hodi haruka observador nasional ida ba sentru votasaun ida husi sentru votasaun 885 iha Timor-Leste durante loron eleisaun. USAID mo'os apoia IRI nia observador internasional tolu no OIPAS nia observador nasional hodi observa kampaña eleitoral. Hanesan iha eleisaun presidencial no parlamentar 2017 nian, Misaun EUA nia funsionariu sei sai mos observador iha eleisaun ida ne'e.

Antes eleisaun, partidu polítiku no koligasaun sira simu mo'os apoiu husi EUA inklui formasaun hodi dezenvolve mensajen kampaña bazeia ba problema real sira no enkoraja feto no joven sira nia partisipasaun. Hafoin eleisaun, apoiu governu EUA nian sei kontinua atu ajuda haforte Parleментu Nasional nia rekursu umanu, kapasitasaun institucional, promove atividade deputadu sira no ofere se apoiu tékniku ba forum Feto Parlamentar.

####